

天香室詩卷

清江張

癸酉中秋




萬壽圖

附詩
餘債

希題



成都天香
室家藏板



自序

記曰詩言志志卽性靈之發見者也余自束髮受書卽喜作性靈語每爲先君所呵責謂無學力以濟之其敝必流於俗俗則不可醫也館課之暇輒私讀古人詩頗有所悟會先曾祖申甫公卸萬縣篆歸上書告老以余年非童子使學爲官甫委質丁先君憂服闋連遭先繼母及申甫公大故窀穸初安而清室遜位矣乃閉門不出以養祖母羅戴之役避兵鹽亭祖母復棄養於客次感人事之變遷早無心於仕進逍遙歲月致力於詩蓋自此始矣惟是學疏才薄筆不縱橫故專攻近體罕事古風小家之誚誠知不免十年以來常從鶴叟山公游閒得篇

什輒就正焉挾瑕批謬受益宏多又嘗以游山諸作
質諸榮縣香宋先生過蒙不棄亦示南鍼至以沙明
水淨清才目之未免顏汗耳壬申冬成都巷戰彈雨
橫飛凡十日死傷殆萬計竊恐朝夕之莫保也爰取
天香室詩卷十刪其四起前清光緒壬寅迄今壬申
冬共詩一千三百六十首剖爲上下二卷而以先
君詩債冠其首天香詩餘綴其末付諸剞劂妄冀掄
揚敝帚自珍得毋令人齒冷乎所望

明師益友勿以詒癡爲誚而賜之鍼砭譬諸國手爲
吾醫俗庶幾渣滓盡去清光大來異日繼刊之作或
可附大雅之林云爾癸酉孟春河間邢錦生麗江氏
自序於成都天香室

詩債

共四
十首

河間邢

入棊潤琴

男錦生敬校

早春

春去春來忽一年街頭又唱鷓鴣天凍開淺水初成

縐暖入平蕪欲化烟草木萌芽喧曙鳥樓臺掩映見

風鳶何如載酒尋芳去濯錦江邊景色鮮

月下思人

月出人影雙影與月俱冷忽喜故人來纔知自己影

新秋雨後

雨餘涼似水騷客意如何空抱澄清志能無慷慨歌

樹頭濃翠少山腳夕陽多愁說中秋近雲邊一雁過

送杜南坡

掄元

廣文之華陽任

西蜀名高有杜君少年豪氣已凌雲揮毫曾擬三都賦大雅風流自不羣孝養雙親春晝永泮宮獨步聲

華炳

原註南坡巴州學籍其父煥齋鹽亭汛守與大父爲同僚

孤高自詡不趨炎

博得一官尤耐冷奉檄何須俟駕行可憐聚散似浮萍瑟居從此無知己一曲驪歌不忍聽河梁分手離愁重兩地相思應入夢好友如春不可留竟與落花一齊送乘風遠引莫回頭珍重鵬程萬里游恨不攜琴長作伴青山紅樹一孤舟

老馬

雷鼓聲中電影飛當年效死破重圍壯心此際偏羞伏奇骨何人爲市歸衰草連天荒戍遠長城落日健兒稀漫嗟羸老無知己伯樂相逢有淚揮

早秋述懷

鏡裏鬚眉愧故吾，衙齋悶坐意何如。
洗心安得清涼散，懲過常披故舊書。
三日餘香人去後，一庭落葉雁來初。
高標自許誰知己，山有樵夫水有漁。

寄杜南坡

河魚天雁兩悠悠，知己偏教作宦游。
雙管偶爲濃淡畫，百杯難解別離愁。
西風落葉秋驚樹，涼雨孤燈人倚樓。
安得與君重把袂，細將心事訴從頭。

落葉

虎牙山勢露嵯峨，萬樹皆空可奈何。
三月陰濃曾障日，一朝黃落半隨波。
吳江寂寞霜楓冷，南內荒涼秋草多。
滿目紛紛何所似，春風蝴蝶舞婆娑。

梧桐

梧桐不復綠陰稠
滿地西風總是愁
他日知音收爨
下有人寫怨向樓頭
林園搖落寒砧夜
池苑歸來暮雨秋
撫樹徘徊無限思
舊時曾見鳳凰游

秋興

已涼時又到風物助詩情
夜雨喧荷館
秋花發豆棚
燕將成遠別
蛙豈爲私鳴
去日渾難挽
鬚眉愧半生

贈趙吉人

謙原註鹽亭茂才其父曾宦江西乃弟炳文亦游泮宮俱受業於家大父

坐月有時飛羽觴
清談自足潤枯腸
連城白壁原歸趙
舊族烏衣不讓王
君爲槐忙來此地
我慚株守在他鄉
英才終有登庸日
好作人間冬夏陽

寄懷胡靜山廣文陝西

靄靄停雲奈遠何秋來不見雁行過天涯知己平安
在異國殘身疾病多離別可堪增歲月形神初不隔
山河何當萍水重相聚夜雨聯牀共苦哦

看花

萬紫千紅望欲迷不分南北並東西關心日色留鴉
背得意春風到馬蹄花雨亂飛天竺國絳雲濃護武
陵溪笑他翦綵徒勞悴一樣無情踏作泥

送趙吉人及其弟炳文

奎

還鄉

蘭言未了又驪歌攜手河梁喚奈何腸斷錦官城外
柳迎人時少送人多

哭杜南坡二首

原註辛卯四月
卒於華陽學署

玉樹長埋正壯年問君何罪得於天可憐最是臨終

候無一親人在眼前

原註其眷屬皆在鹽亭奉親故臨終無人啟手足

慷慨平生志未酬一官株守恰三秋知君醒卻邯鄲

夢竟向蓬山作遠遊

原註得年恰四十歲

野行

杖策不知倦山南又一村人家半茅屋風景小桃源
時見牛羊下遙聞雞犬喧此鄉多野趣願與數晨昏

排悶

關門掃地自焚香竟把書齋作佛堂諸葛一生惟淡泊
莊周無語不荒唐人因多病通醫理詩到常吟辨樂章
不信公侯能一夢逢人豔說有黃梁

秋日書懷二首

原註予侍大父由直入川游宦於今已廿餘年矣

北馬南船寄此身一番歲月一番新天涯有夢尋知

己地下無書答故人三月鶯花誰作主九秋鴻雁又
來賓栖栖自笑成何事欲向江湖理釣綸

去日怱怱速擲梭挽回誰假魯陽戈良朋已似晨星
少閒恨渾如秋草多病裏逢人求妙藥醉中乘興發
狂歌世途雖有風波險豪氣凌雲總不磨

題扇寄人二首

蕙質蘭心絕可憐霓裳隊裏舊神仙曾通一霎巫陽
夢未了三生石上緣玉笛吹來楊柳月金樽醉倒杏
花天何當重跨揚州鶴偎翠依紅喜欲顛

美人家在水中央相望相思空斷腸倘使夢中來有
路莫教居處怨無郎一杯仙醴葡萄綠二月春風豈
蔻香贈爾齊紈深有意荷花天氣好招涼

慰吉人炳文秋闈落第

空負才名一世奇，桐音爨下有誰知。
未開荆玉終歸趙，入選吳娘莫羨施。
今日孤懷連我憤，他年並第爲君期。
蛟龍豈是池中物，自有興雲作雨時。

無題三首

回首天台迹已陳，桃花空憶舊時春。
恨無鴻雁能傳信，願把鴛鴦作化身。
假道謀成原計就，開山力盡爲通秦。
吹噓如得東風便，前度漁郎又問津。

明月揚州廿四橋，舊游如夢可憐宵。
曾從北道迎雙槳，竟許東風鎖二喬。
銀燭拔時狂態露，玉簫吹處暗魂銷。
盟山誓海情無限，何必瞿唐嫁弄潮。

一日三秋喚奈何，兩心相印託微波。
仙方莫救文園

病樂府空傳子夜歌月姊因緣團聚少天孫事故別
離多蜂媒蝶使無消息愁絕潘郎鬢欲皤

蟋蟀三首

蟋蟀聲聲已在堂因循難挽好時光早知世事炎涼
態悔蓄人間富貴場夢寐曾吟蘇學士興亡莫語賈
平章可憐歲暮天涯客側耳深宵感慨長

秋到蒲城客未歸

東鄉爲古蒲城

蟲聲新透薄羅幃能鳴頗

有驚人概健鬪何妨食肉飛三徑蒼涼桐葉下一籬
風露豆花肥女紅莫向閨中促空說封侯事總違

金籠韻事說唐宮寂寞而今雨露叢未必甘心籬落
下何妨箝口草萊中香閨有夢霜催曉深院無人月
在空終夜有聲啼不住隔牆難作宋人聾

謝趙炳文惠紈扇

百綺冰絲名不虛蔽塵障日復何如清風被我披襟
後明月思君入手初寫意慚無司馬句墨痕道是右
軍書從今揮卻青蠅輩豈獨招涼暑夜餘

春興四首

一番烟景徧皇州紫豔紅嬌鬪未休
嫩葉穠苞團鶴頂穿籬新筍突
貓頭韶華不改人如夢碧樹無情水
自流爲問春陰誰乞得癡心常替落
花愁
放眼山川景倍饒江南渭北路迢迢
杜鵑聲裏花千樹燕子風中柳萬條
嬈綠輕盈含碧玉奇香鮮豔綻紅綃
春深自古多遺恨未許人間鎖二喬

畫欄杆外夕陽斜氣自氤氲物自華
仙境眾香原有

國錦江春色在誰家青袍綽約王孫草金帶纏綿宰相花婪尾芬芳遲更好明皇羯鼓莫頻撾

錦水湔雲蜀國春羣芳如綺草如茵願從瘦竹爲高士卻愛名花比美人杯酒不難澆俗慮鉛華容易逐香塵長歌子細翻金縷莫待空枝怨及辰

贈李生

原註李生一夜大醉而痛哭人間其故終不肯言因作此歌以贈之

李生酒後失聲哭憤氣填胸淚盈目世間絕少箜篌歌歛歔入耳亦絲竹憶昔君家詩與酒吟到百篇飲一斗詩卻無聲哭有聲商音發發黃鐘吼嗚咽哀喉轉愴惻一號三回無休息天地爲破鬼神驚星斗無光月無色不是楚國囚亦非秦庭立青衫此夜何由溼別有幽懷深復深彷彿荆山抱璞泣